

# BAÐHERBERGI

MÁNUDAGUR 5. OKTÓBER 2015

Kynningarblað Byko, Húsasmiðjan, IKEA, innlit í falleg baðherbergi.



Ásta Sigurðardóttir stílisti leiðbeinir viðskiptavinum BYKO og Örn Haraldsson sölustjóri þjónustar verktakafyrirtækin. MYND/ANTON BRINK

## Byggt á traustum grunni

Í deildinni Hólf og gólf í BYKO Breiddinni er boðið upp á breitt vöruúrval þegar kemur að baðherbergjum. Deildin byggir á traustum grunni þar sem áhersla er lögð á góða þjónustu. Sérstakur stílisti veitir viðskiptavinum ráðgjöf varðandi uppsetningu baðherbergis.

Árið 1991 opnaði BYKO fyrst deild undir nafninu Hólf & gólf í kjallaraeldri verslunarinnar í Breiddinni. Í dag er hins vegar stór og glæsileg valvörudeild undir sama gamla nafni í stórverslun BYKO í Breiddinni. BYKO hefur um áratuga bil þjónustað jafnt verktaka og heimili landsins þegar kemur að baðherbergjum.

### Örugg þjónusta

Þau skipta þúsundum, baðherbergin á heimilum landsins, sem hafa verið innréttuð frá Hólfi og gólfi undanfarna áratugi enda hafa verktakar alla tíð geta fengið allt sem þarf til að fullgera baðherbergi hjá BYKO að sögn Arnar Haraldssonar, sölustjóra BYKO. „Ég hóf störf hér árið 2001 og hef því þjónustað verktaka í um fjórtán ár. Við gefum þeim tilboð í öll verk og leitum um leið tilboða fyrir þá að besta verði þegar kemur að stórum verkefnum. Það er mjög virk sam-

keppni í þessum bransa hér á landi og því þurfum við að standa okkar pligt en í krafti stærðar og styrks BYKO getum við veitt viðskiptavinum okkar ekki bara gott vöruúrval heldur líka gott verð.“

Þekkt vörumerki eru eitt aðalsmerki BYKO og þar er Hólf og gólf engin undantekning. „Helstu merkin okkar eru Grohe og Gustavsberg en auk þeirra má nefna Villeroy & Boch, Duravit, Svedbergs, Steirer, E-Stone, Krono Original, Herholz og Damixa. Flestir í verktakabransanum þekkja þessi merki okkar enda höfum við alltaf boðið upp á góða þjónustu í kringum þau. Það skiptir t.d. miklu máli varðandi blöndunartækin að öll varahlutabjónusta sé 100%.“

Grohe er leiðandi merki í blöndunartækjum og hefur verið í boði hér á landi í nær 40 ár. „Við bjóðum upp á mjög breiða vöruúrval frá þeim, allt frá einföldum gerðum upp í hátísku hönnun. Auk þess er

Grohe stöðugt að koma fram með nýjar línur þannig að vöruúrvalið hér breytist reglulega.“

Þegar svo stórum viðskiptamannahópi er sinnt skiptir miklu máli að lagerstaðan sé góð. „Verktakar þurfa að geta gengið að vörum hér fljótt og örugglega þegar stór verkefni og mörg eru í gangi. Í krafti stærðar sinnar á BYKO yfirleitt stóran lager af algengustu gerðum og stuttur afhendingartími er einnig að jafnaði á sérpöntunum.“

### Persónuleg ráðgjöf

Heimili landsins geta valið úr fjölda innréttinga, gólfefna og blöndunartækja hjá BYKO enda má finna þar allt á einum stað fyrir baðherbergið; allt frá tannburstaglassi til sturtuklefa.

Sérstakur stílisti, Ásta Sigurðardóttir, leiðbeinir viðskiptavinum með val og samsetningar á flísum og innréttingum auk þess að veita ráðgjöf um litaval og annað sem tengist baðherberginu. „Viðskiptavinum finnst mörgum

gott að geta leitað til fagaðila þegar kemur að svona stórum ákvörðunum. Enda notfæra margir sér þjónustuna þegar stórar framkvæmdir eru fyrirhugaðar eða jafnvel einfaldar endurbætur.“

Fyrsta skrefið að sögn Ástu er gera sér grein fyrir peningum sem á að eyða í verkefnið og síðan er unnið út frá þeim upplýsingum. „Stílistinn sest niður með viðskiptavininum og þeir ræða saman hvaða stíll og litir eiga að vera á baðherberginu. Einnig skoða þeir saman rýmið og velja fyrir sé hvernig nýta megi það sem best. Saman skoða þeir svo úrvalið í sameiningu og velja flísar, innréttingar, tæki og annað sem fullbúið baðherbergi þarf að búa yfir.“

Auk Ástu starfar frábært starfsfólk hjá deildinni með áralanga reynslu sem gagnast viðskiptavinum vel við erfiðar ákvarðanir. „Við leggjum mikinn metnað í góða þjónustu enda koma viðskiptavinir okkar

margir hverjir aftur og aftur.“

Helstu vörumerki BYKO eru vönduð og þekkt fyrir góða endingu. Meðal þeirra helstu má nefna Gustavsberg, Villeroy & Boch, Grohe, Herholz-hurðir, Svedberg-innréttingar, parket frá Krono Original svo eitthvað sé nefnt.

Stöðugt er boðið upp á nýjungar í baðherbergi landsmanna og nefnir Ásta m.a. fallegar baðplötur sem þola að vera inni í sturtuklefanum og rakadrægt parket sem hentar vel á gólf baðherbergja. „Það auðveldar vinnuna við að gera upp baðherbergið. Ekki eins mikið rask og vinnan verður öll miklu hreinlegri.“

Hólf og gólf er í opnu og vel hönnuðu rými þar sem m.a. má finna sýningarbása með uppsettum baðherbergjum. „Hér er vítt til veggja og þægilegt að skoða úrvalið í ró og næði með aðstoð starfsfólks okkar. Auk þess er alltaf heitt á könnunni þannig að hingað eru allir velkomnir.“

# Eitt mikilvægasta rými heimilisins

Innanhússhönnuðurinn Sæbjörg Guðjónsdóttir segir eldhús og baðherbergi þau herbergi heimilisins sem skipta hvað mestu þegar kemur að því að selja eignir. Standi til að gera breytingar á þessum rýmum borgar sig því að vanda vel til verka og hugsa málin til enda. Sjálf keypti hún hús árið 2013 og hannaði meðal annars bæði bað og gestasalerni. Hún féllst á að sýna afraksturinn.



Sæbjörg rekur hönnunarstofuna S í D. Hún útskrifaðist sem innanhússhönnuður árið 2011 og hefur unnið við fagið síðan bæði á arkitektastofum erlendis og hérlendis. Hægt er að skoða verk hennar á heimasíðunni sid.is

## Hvernig myndir þú lýsa baðherbergjunum þínum?

„Baðherbergin eru tvö og hvort með sinn karakterinn. Aðalbaðherbergið er kvenlegra með frístandandi kari, steypu gólfi og marmara. Það má segja að það sé undir smá Parísar-áhrifum. Gestabaðherbergið er aðeins töfaralega með svörtum flísam sem lagðar eru í „herringbone“ eða fiskibeinamynstur frá gólfi og upp í loft. Í sturtunni er svo lóðrétt óbein lýsing sem skapar kynþokkafulla stemningu. Innréttingar og blöndunartæki eru eins á báðum baðherbergjunum; sprautulakkaðar með viðarborðplötu og vaski á borði. Tækin eru svört.“



Diskurinn undir Aesop sápunum, sem fást meðal annars í Ilmhúsinu, er frá ILVU og kertastjakinn líka. Svörtu eyrnápinarnir eru frá Muji. Þessi skreyting er á stærra baðherberginu.

## Á hvað lagðir þú áherslu – hver var innblásturinn?

„Mig langaði til að prufa eitt hvað nýtt og njóta þess að hanna fyrir sjálfa mig og mína. Hugmyndin var að skapa notalega en skemmtilega stemningu – eitthvað í líkingu við herbergi á „boutique“ hótélum þar sem oft ríkir nútímalegt og útpælt þema,“ segir Sæbjörg en henni þykir gaman að hanna baðherbergi sem minna á hótélbaðherbergi. „Ég vil hafa smá lúxus í bland við notagildi enda verja flestir miklum tíma á baðherberginu.“ Gestabaðið var upphaflega minna en Sæbjörg og

eiginmaður hennar stækkuðu það til að rýma fyrir sturtu. „Það er því frekar langt og mjótt en ég ákvað að leika mér að lengdinni með því að leggja flísarnar í fiskibeinamynstur sem beinist að endanum og heldur áfram upp vegginn og svo yfir loftið í sturtunni. Ég setti svo sérstaklega glært gler án festinga til að trufla ekki mynstrið.“

## Hvaðan koma innréttingarnar, gólfefni og flísar?

Ég hannaði þær og fékk GKS til að smíða. Gólfíð var steyp, pússað og mattlakkað. Flísarnar á gestabaðinu eru úr Flísabúðinni en ég lét saga þær niður til að gera mynstrið. Ég sérpantaði svo vaska og blöndunartæki frá Ástralíu því ég fann ekki það sem mig langaði í hér heima,“ segir Sæbjörg en hún er dugleg að fylgjast með nýjungum sem rata ekki alltaf hingað til lands. „Ég reyni alltaf að skapa eitt hvað nýtt fyrir hvern viðskiptavin og reyni yfirleitt að sérpanta eitthvað frá útlöndum enda ekkert gaman að fá hönnuð til að hanna fyrir þig rými sem er svo bara alveg eins og hjá næsta manni,“ segir Sæbjörg en hún hefur komið að hönnun hótela, veitingastaða og verslana ásamt því að hanna fyrir einkaheimili og skrifstofur.“

## Að hverju þarf að huga þegar baðherbergi er breytt?

„Ég mæli auðvitað með að fólk leiti til fagmanns sem kemur með góðar lausnir og hannar rýmið svo það nýtist sem best og með þarfir eiganda í huga. Baðherbergi og eldhús eru þau herbergi sem selja hvað mest og mikilvægt að hugsa sig vel um áður en farið er af stað í breytingar. Það þarf að hugsa rýmið til enda og skipuleggja það vel.“

## Að hverju þarf helst að huga varðandi lýsinguna?

„Hún skiptir mjög miklu máli á baðherbergjum og þarf að vera góð til að rýmið nýtist sem best. Að mínu mati virkar góð blanda af beinni og óbeinni lýsingu best. Oft breytir miklu að bæta dimmer á ljósin sem fyrir eru og best er að hafa þau ekki öll á sama slökkvara til að geta skapað mismunandi stemningu.“ Ljós beint ofan á höfuðið fyrir ofan spegil og vask myndar að sögn Sæbjargar skugga á andlitið. „Því þarf oft að bæta við vegg lýsingu sem skín framán á andlit eins og margir kannast við í förðunarherbergjum leikhúsanna. Þetta skiptir sérstaklega máli ef ætlunin er að mála sig við spegilinn.“

## Hvaða skraut og fylgihlutir finnst þér tilheyrja á baðinu?

„Það fer alveg eftir karakter íbúa. Mér finnst fólk þó mega vera aðeins djarfara ef það er með gestabaðherbergi og nota til dæmis hringlaga spegil, skemmtilega



Stærra baðherbergið er kvenlegra með frístandandi kari, steypu gólfi og marmara.

MYNDIR/ANTON

veggilampa eða hangandi ljós. Það má líka alveg hugsa út fyrir kassann og skella myndum upp á vegg eða á hillu. Punkturinn yfir i-ið er svo auðvitað góður ilmur, sápur og kannski upprúlluð þvottastykki sem bíða gesta.“

## Er einhver baðherbergistíska ríkjandi um þessar mundir?


„Mér finnst margir vera að gera þau aðeins persónulegri. Blöndunartæki í öðrum litum en krómi eins og messing eða svörtu eru líka áberandi. Sömu leiðis opnar sturtur og frístandandi baðkór. Þá er ekki endilega verið að skella flísam á öll gólf og upp um alla veggi, enda þarf þess heldur ekki. Það er til dæmis vel hægt að nota málningu eins og Akryl 7 frá Litlandi en hún er frábær í stað flísa. Þá finnst mér lögum og stærð flísa líka vera að breytast. Þessar hefðbundnu 30x60 eru að vika fyrir skemmtilegum stærðum eins og 80x80 og 10X10 svo dæmi séu nefnd. Þegar kemur að fylgihlutum og skrauti má segja að Aesop og La:Bruket sápurnar tröllríði öllu ásamt fallegum grænum plöntum sem lífga upp á rýmið.“




Sápurnar á gestabaðherberginu eru frá Zara Home. Röndóttu skálin var keypt í Marokkó. Höndin er frá Hay.



Innréttingarnar og blöndunartækin eru eins á báðum baðherbergjum; sprautulakkaðar með viðarborðplötu og vaski á borði.



Sæbjörg sérpantaði blöndunartækin frá Ástralíu.



Gestabaðið er töfaralega með svörtum flísam sem lagðar eru í fiskibeinamynstur.



# Þrifa þarf fitu af veggjum áður en baðherbergið er málað aftur

Margir kjósa að mála allt baðherbergið í stað þess að flísaleggja. Oft eru flísar lagðar til hálfis á móti málningu. Það þarf þó að hafa ýmislegt í huga áður en málað er og vanda skal til verksins. Ljósir litir eru vinsælastir um þessar mundir en pastellitir að koma.

Steindór Elísson, verslunarstjóri hjá Slippfélaginu í Dugguvogi, segir að algengt sé að fólk máli baðherbergi. Það sé ódýrari kostur en að flísaleggja. Einnig þurfi yfirleitt að mála eitthvað meðfram flísum. „Gæta þarf að þegar málað er í kringum baðkar eða sturtu að hreinsa vel með góðum fituhreinsi. Það er til mjög gott hreinsiefni sem heitir Delfin fettlösare sem vinnur vel á fitumyndun. Það er blandað einn á móti einum í vatni og úðað á flötinn. Síðan er efnið látið standa í 20 mínútur áður en það er skolað af. Gott er að nota efnið í sturtuklefum og á vegg í kringum baðkar.“

Steindór segir að ef málningin sé farin að flagna við baðkarið þurfi að skafa allt slíkt í burtu og spartla með rakapölnu spartli. Síðan er grunnað með vatnsheldum akrýlgrunni og síðan er mikilvægt að mála með akrýl-málningu sem er til í fjórum gljástigum, 7, 20, 35 og 85% gljáa. Hún er myglu- og sveppapölin. Við ráðleggjum fólki alltaf að nota slíka málningu á baðherbergi og jafnvel í þvottahúsum líka.“

Steindór segir að oft þurfi að mála loftin á baðherbergjum þótt veggir séu flísa-lagðir og þá er þessi sama málning notuð. Hún er miklu sterkari en venjuleg innimálning og hentar vel þar sem er mikill raki og bleyta. Raki getur skapað sveppamyndun. „Ef notuð eru rétt efni gefst vel að hafa baðherbergið málað í stað flísa,“ segir Steindór.


Þegar hann er spurður um vinsældir lita um þessar mundir, segir hann að ljósir litir séu alltaf vinsælastir. „Allir ljósir litir eru vinsælir, alveg hvítir eða hvíttónaðir. Ég seldi reyndar svartan lit á baðherbergi fyrir stuttu, þannig að þetta er auðvitað misjafnt. Gráir tónar hafa sömuleiðis verið vinsælir lengi en eru á útleið fyrir pastelli,“ segir Steindór sem hefur unnið í málningarbransanum í 32 ár og veit hvað

hann syngur í þessum efnunum. „Litatískan fer alltaf í hringi.“

Steindór segir að ef málað er af fagmennsku og með vonduðum efnunum geti málningin dugað í sex ár og jafnvel lengur. „Oft er fólk bara að skipta um liti frekar en að málningin sé orðin ljót.“

Mikið hefur verið rætt um myglusvepp undanfarið. Steindór segir að ef einhver svartur blettur sjáist í hornum eða annars staðar á málningunni þurfi þeir sérstaka meðhöndlun. „Við eigum til klór-sápu sem heitir Alg & Mögeltvätt en hún drepur alla virkni í blettinum. Efninu er úðað á blettinn og látið standa í 20 mínútur. Síðan þrifið á eftir. Þá er óhætt að mála yfir án þess að eiga á hættu að myglusveppur breiðist út.“

“Hægt er að koma í veg fyrir myglusvepp.“



Hvít baðherbergi eru vinsæl um þessar mundir. Pastel-litir eru þó að koma sterkir inn.



Ljósir litir eru vinsælir á baðherbergið. Hægt er að fá fallega liti með handklæðum.

nettoline

HÁGÆÐA DANSKAR  
BAÐHERBERGIS-  
INNRETTINGAR

STYRKUR - ENDING - GÆÐI

FJÖLBREYTT ÚRVAL AF HURÐUM, FRAMHLIÐUM,  
KLÆÐNINGUM OG EININGUM

Opið mánud. – föstud. kl. 09-18  
laugardaga 11-15

15 ÁRA  
STOFNAD 2000

**Friform**

Askalind 3 • 201 Kópavogur • Sími: 562 1500 • friform.is

**ÞÚ ER VALIÐ**  
Þú velur að kaupa innréttinguna í ósamsettum einingum, eða lætur okkur um samsetninguna. Að sjálfsögðu önnumst við líka uppsetningu og endanlegan frágang. Fullkomin þjónusta, eigið verkstæði.



## Sá allra dýrasti

Dýrasti klósettpappír sögunnar er úr 22 karata gullflogum og kostar rúllan um 163 milljónir króna. Um er að ræða þriggja laga pappír sem framleiddur er af ástralska fyrirtækinu Toilet Paper Man. Eftir að starfsmenn þess höfðu notað gullflogið klósetti í Dubai í Sameinuðu arabísku furstadæmunum fyrir nokkrum árum kom þessi hugmynd eðlilega upp: Hvers vegna ekki að fara alla leið og framleiða klósettpappír úr gullflogum?

Undirbúningur hófst strax við heimkomuna og nú er varan loks komin á markað. Á þessu stigi hefur fyrirtækið þó bara framleitt eina rúllu enda tæpast mikil eftirspurn eftir slíkri lúxusvöru.

Eðalvara á borð við þessa er seld í glæsilegum gjafaumbúðum auk þess sem dýrindis kampavín fylgir að sjálfsögðu hverri rúllu. Viti menn ekki aura sinna tal má skoða þann möguleika að fjárfesta í gullhúðuðu klósetti sem Hang Fung Gold Technology Group selur en stykki kostar um 315 milljónir króna.

Að sögn talsmanns fyrirtækisins er klósettpappírinn 100% öruggur fyrir afturendann.



# DURAVIT



## PHILIPPE STARCK

Philippe Starck hefur útfært hugmyndir svo lengi sem hann man. Þó háþróaðar hugmyndir hans hafi ekki fengið hljómgrunn kennara hans, var hann þó um tvítugt búinn að afla sér heimsfrægðar og viðurkenningar fyrir hönnun og arkitektúr.



Velkomin í stórglæsilegan sýningarsal okkar að Draghálsi 14-16.

**IOI**  
ÍSLEIFUR  
JÓNSSON

Dragháls 14 - 16  
110 Reykjavík

Sími 4 12 12 00  
Fax 4 12 12 01

[www.isleifur.is](http://www.isleifur.is)

# Gæði góðra baðferða

Margir þeir sem hafa komist á bragðið með að nota baðkarið sitt myndu aldrei skipta því út. Enda hefur verið sýnt fram á ýmis góð áhrif sem reglulegar baðferðir hafa á heilsu og ekki síður geðsmuni.

## Slökun

Fátt er betra en að láta líkamann líða ofan í heitt og notalegt bað að loknum annasömum degi. Þar hvílist bæði hugur og líkami sem sýnt hefur verið fram á með vísindalegum hætti. Í tímaritinu *Complementary Therapies in Medicine* var sagt frá rannsókni sem sýndi fram á að daglegt bað í átta vikur hafði meiri kvíðastillandi áhrif en kvíðastillandi lyf. Bað getur líka dregið úr streitu. Sumir mæla með því að bæta út í ilmkjarnaolíum á borð við júkalyptus eða lofnarblóm.

## Mildandi áhrif á sóríasis

Þeir sem þjást af sóríasis gætu hagnast af rétt blönduðu baði. Talið er að með því að blanda nokkrum matskeiðum

af ólífuvolíu eða kókosolíu út í baðvatnið sé hægt að minnka kláða. Ólían á að virka sem rakagjafi og geti hjápað til að losa um húðflygsur. Þó er ekki mælt með að dvelja lengur í baðinu en tíu mínútur því annars getur vatnið leitt til húðþurrks. Eftir baðið á þó að bera á sig þau krem sem lækna hafa mælt með.

## Haframjölbað

Húðin verður oft þurr á veturna vegna kulda og trekks. Til eru ýmis ráð til að hressa upp á hana. Eitt af því er að nota haframjöl en það hefur verið notað í þeim tilgangi í langan tíma. Það var þó aðeins nýlega sem rannsakendur fundu út að það er efnið avenanthramides í höfrunum sem dregur úr ein-

kennum bólgu og kláða í húð. Haframjölbaðið er útbúið þannig að haframjöl er sett í hreinan þurran sokk. Lokað er fyrir opið með teygju. Síðan er sokkurinn látinn út í baðvatnið. Mælt er með að baða sig upp úr baðvatninu í 15 til 20 mínútur.

## Bætur nætursvefninn

Þegar skriðið er upp í rúm undir svöl sængurfötin lækkar líkamshitinn örlítið. Það sendir boð til líkamans um að framleiða melatonin sem ýtir undir svefn. Því þykir gott að fara í heitt bað fyrir svefninn því það hækkar líkamshitann tímabundið. Þegar komið er upp úr baðinu lækkar hitinn á ný og líkaminn framleiðir melatonin.



Fáir staðir bjóða upp á jafn góða slökun og baðkarið.

NORDICPHOTOS/GETTY

## Örvar heilann

Sumir vilja meina að ilmkjarnaolíur geti haft margvísleg áhrif til dæmis ef

þeim er bætt út í baðvatnið. Þannig á salvía að skerpa minni, bergamot á að draga úr streitu.

## UNIDRAIN Gólfniðurföll

Falleg baðherbergi – með niðurfalli frá Unidrain

Unidrain hefur hannað nýja og glæsilega lausn. Með því að færa niðurfallið upp að vegg er vandamál vegna vatnshalla úr sögunni. Einnig gerir það baðherbergið fallegt og auðveldar flísalögnina.

Ef þig dreymir um nýjar hugmyndir á baðið, þá erum við hjá Tenggi með lausnina. Núfímaleg og falleg hönnun frá Unidrain.

Komið í verslanir okkar og fáið upplýsingar um Unidrain niðurföllin, í hugum flestra er Unidrain einfaldlega betri lausn.

unidrain®  
HEILGÖTT HÖNNUNARFRAMTÖK



Flúraðir fætur á frístandandi baðkari leiða í ljós vissa fortíðarþrá.

NORDICPHOTOS/GETTY

## Frístandandi og flott

Frístandandi baðker eru ekki mjög algeng á Íslandi. Þau hafa þó ýmsa kosti, sér í lagi þegar kemur að fagurfræðinni. Hér eru nokkrir jákvæðir punktar:

### Sveigjanleiki

Innbyggðum baðkerum verður að koma fyrir upp við vegg meðan frístandandi baðker geta staðið hvar sem er. Ef baðherbergið er nógu stórt mætti jafnvel koma því fyrir í miðju þess.

### Einkennandi stíll

Frístandandi baðkar vekur athygli enda fágætt að sjá slíkt í baðherbergjum í dag.

### Margir möguleikar

Frístandandi baðker er hægt að fá í mjög ólíkum útgáfum, í mismunandi litum og úr mismunandi efnum og fjölbreyttri hönnun. Því ætti alltaf að vera hægt að finna eitthvað sem hentar. Til dæmis er hægt að velja að láta karið sitja á gólfinu eða velja kar með fótum.

### Fortíðarþrá

Frístandandi baðker geta verið nútímaleg en mörg hver eru einnig fullkomin til að fylla baðherbergið af fortíðartilfinningu.

### Rýmið virðist stærra

Þó frístandandi baðkar taki meira pláss en innbyggt baðkar virðist baðherbergið þó ekki minna. Í raun gefur frístandandi baðkar á fótum tilfinningu fyrir að rýmið sé meira en það er í raun.



Frístandandi baðker geta einnig verið nútímaleg.

Opið virka daga frá 8-18 laugardaga frá 10-15  
www.tengi.is tengi@tengi.is • TENGI Smiðjuvegi 76 • Kópavogi  
Sími 414 1000 • TENGI Baldursnesi 6 • Akureyri • Sími 414 1050



# LAUFEN hreinlætistækin loks fáanleg aftur á Íslandi

Svissnesku gæðavörurnar frá LAUFEN fást nú hjá Húsasmiðjunni en þau hafa hlotið mörg verðlaun í gegnum árin. Í Húsasmiðjunni má einnig finna flestar aðrar vörur fyrir baðherbergið frá merkjum á borð við Damixa, Emmevi, Kaldewei, Macro og EPLO.

Laufen er einn af leiðandi framleiðendum hreinlætistækja í Evrópu og nýtur mikillar virðingar, sér í lagi meðal arkitekta og þeirra sem sjá um byggingaframkvæmdir,“ segir F. Gunnar Árnason, vörustjóri hjá Húsasmiðjunni.

Laufen er svissneskt gæðamerki með yfir 130 ára sögu en það hefur verið á markaði frá 1892. „Það hefur unnið til fjölda hönnunarverðlauna. Til dæmis fékk Kartell línun tvönn verðlaun í Evrópu á síðasta ári og PRO-S línun einnig,“ upplýsir Gunnar.

Umfang fyrirtækisins er nokkurt enda er Laufen með sex verksmiðjur í Evrópu og höfuðstöðvar og aðalframleiðslu í bænum Laufen, nærri Basel í Sviss.

## Áhersla á fallega hönnun

Hjá Laufen er lögð mikil áhersla á fagurfræði og hafa þekktir hönnuðir verið fengnir til samstarfs við fyrirtækið:

Alessi línun er hönnuð af Wiel Arets. Palomba línun er hönnuð af Ludovic og Roberto Palomba. Kartell línun er hönnuð af Ludovic og Roberto Paloma í samvinnu við Kartell. Kompass línun er hönnuð af Hee Welling.

„Húsasmiðjan leggur áherslu á PRO-N línuna frá Laufen sem er sérstaklega hönnuð fyrir Norðurlandamarkaðinn en einnig erum við með nokkuð í Kartell línunni,“ segir Gunnar. Hann bendir þó á að Húsasmiðj-

an geti pantað allar þær vörur sem Laufen framleiðir. „Sölu-menn í verslunum okkar geta aðstoðað við það.“

## Nýjungar í fyrirrúmi

Aðsögn Gunnars hefur Laufen ávallt verið leiðandi í nýjungum á markaðnum. „Til dæmis setti Laufen fyrst allra vegghengd salerni á markað árið 1960 en þau voru hönnuð af Xaver Jer-mann,“ segir hann en nýjungagirninn er enn til staðar í dag.

„Laufen kynnti nýja tækni árið 2013. Hún kallast Saphir-Keramik aðferðin, og hún eykur útlits- og framleiðslumögu-leika keramíks verulega og gefur hönnuðum ýmsa mögu-leika sem þeir höfðu ekki áður. Nýjustu vörur Laufen eru síðan „rimless“ salerni þar sem skolvatnið kemur á einum stað og skolbrún allan hringinn því óþörf,“ upplýsir Gunnar og bendir á að PRO-N Rimless salernin séu á frábæru verði og kosti 45.195 krónur.

## Allt í baðherbergið

Húsasmiðjan býður einnig flestar aðrar vörur fyrir baðherbergið. Meðal annars blöndunartæki og sturtusett frá Damixa og Emmevi, baðkór og sturtubotna frá Kaldewei, sturtuklefa frá Macro og sturtuhorn og hliðar frá EPLO. Þá má einnig nefna sturtuníðurföll frá Alcaplast í ýmsum lengdum.

Nánari upplýsingar má finna á [www.husa.is](http://www.husa.is)



Hreinlætistækin frá Laufen eru afar falleg og stílhrein.



F. Gunnar Árnason segir vörvalið í Húsasmiðjunni afar gott.

MYND/PIJETUR



 HÚSASMÍÐJAN

## STÍLHREIN HÖNNUN

Laufen hreinlætistækin fást í Húsasmiðjunni

**LAUFEN**  
SVISSNESK GÆÐI SÍÐAN 1892 



## TÆKNI Á KLÓINU

Margir vilja lesa blöðin á meðan þeir sitja á klósettinu, öðrum til mikils ama. Aðrir taka með sér spjaldtölvu eða snjallsíma. Nú hefur verið þróaður standur fyrir klósettappír þar sem er sérstakur haldari fyrir spjaldtölvuna. Fólk þarf því ekki að halda á iPadinum á meðan það gerir þarfir sínar. Það er amazon.com sem býður þennan „nytsama“ fyrir þá tölvuóðdu. Söluaðilar segja að þetta auki þægindin á heimilinu, hægt sé að stilla spjaldtölvuna eftir þörfum hvers og eins. Hægt er að lesa bók, kíkja á blöðin eða jafnvel horfa á sjónvarpið án þess að þurfa að halda á spjaldtölvunni. Standurinn er úr vönduðu krómi og hann kostar frá 3.832 krónum á amazon.com.



## HEILNÆMT FÓTADEKUR

Það er fátt betra en að fara í fótbað og láta þreytuna líða úr sér. Sé það gert reglulega og fæturnir snyrtir um leið eykst vellíðan um allan skrokkinn. Það er líka miklu skemmtilegra að vera með fallega snyrta fætur og þó tær þyki ekki endilega hin allra mesta þrýði getur góð umhirða gert mikið fyrir útlit þeirra.

Hér er uppskrift að góðu fótadekri. Fylltu hæfilega stóran bala með volgu vatni og bættu smá salti við en það virkar vel á sprungna hæla. Láttu fæturna hvíla í vatninu í um það bil 20 mínútur. Þerraðu fæturna vel á eftir. Stundum getur verið gott að raspa þurr svæði á eftir, sömuleiðis að klippa neglur og þrýsta naglaböndum niður. Eftir það má skola fæturna og þerra á ný. Síðan er gott að bera á þá feit krem eða góðar olíur. Það er óþarfi að hlaupa út í búð eftir þeim. Alveg eins gott að nota ólífuoloíu eða kókosolíu. Því næst er ráð að smeygja sér í góða sokka og skriða upp í rúm. Þannig mýkjast fæturnir yfir nóttina og verða finir daginn eftir.

## SÁPUR TIL SKRAUTS

Það fer ekki fram hjá neinum sem skoðar íslensk jafnt sem erlend heimilis- og lífsstíllöð að sápur í hvers kyns pumpum njóta vinsælda á baðherbergjum. Það þykir smart að hafa fljótandi handsápu í fallegru pumpu við vaskinn og góðan handáburð í samskonar pumpu þar við hlið. Helst á lyktin að vera sú sama. Þarna bera Aesop-sápurar höfuð og herðar yfir aðrar en þær koma í dökkbrúnum pumpum með einföldum hvítum miða og minna um margt á meðalaglösin í apótekum forðum. Sömuleiðis þykir smart að hafa sjampóíð og hárnæringuna í stórum pumpum við baðkarið eða sturtuna. Það má því í raun segja að sápurar hafi öðlast nýjan tilgang.



## PORCELANOSA FLÍSAR FYRIR VANDLÁTA



# ÁLFABORG

Skútuvogi 6 - Sími 568 6755